

尔時尊者舍利弗與諸苾芻聞佛宣說解夏之法心生快利踊躍歡喜信受奉行

佛說解夏經

佛說帝釋所問經

三藏法師法賢奉 詔譯

如是我聞一時佛在摩伽陀國王舍城東菴羅園大婆羅門聚落之北毗提訶山帝釋巖中與大衆俱

尔時帝釋天主聞佛在摩伽陀國毗提訶山帝釋巖中即告五髻軋闍婆王子言汝可知

不我聞佛在摩伽陀國毗提訶山帝釋巖中我欲與汝共詣佛所親近供養是時五髻軋闍婆王子聞是語已曰帝釋言甚善天主作是言已即持琉璃寶裝筵篋隨從

帝釋時彼天衆聞帝釋天主與五髻軋闍婆王子發心往詣佛所親近供養亦各發心樂

欲隨從往詣佛所親近供養

尔時帝釋天主與五髻軋闍婆王子及彼天衆從彼天没譬如力士屈伸臂頃即到摩伽陀國毗提訶山側是時彼山忽有大光普徧照耀其山四面所有人民見彼光已互相謂言此山何故有大火然映蔽本相猶如寶山

尔時帝釋天主告五髻軋闍婆王子言汝見此山有如是殊妙色不爲佛世尊安止其中四事清淨又復此山所有堂殿悉皆寶成人所居者盡諸煩惱悉證聖果乃至大力諸天亦常止此又復告言是故我等難逢難遇如先所說親近供養今正是時汝五髻軋闍婆

教九

四

王子可以所持之樂當作供養何以故過此已往實難值遇時軋闍婆王子聞是語已白帝釋言甚善甚善說是言已即起思念諸佛如來具天耳通無遠無近皆悉能聞作此念已即動所持琉璃寶裝筵篋於其聲中而出伽陀於伽陀中說所樂事彼伽陀曰

汝日光賢女 當請求父王 與我為眷屬
 是知汝賢良 我所戀慕汝 譬如熱惱者
 思念於清涼 如渴人思水 如病者思藥
 如飢者念食 如大象被鉤 而不能前詣
 又如阿羅漢 樂求寂滅法 今我所求願
 其義亦復然 貪欲增煩惱 此無有真實

不果所願求 受種種苦惱 我所作福業
 供養阿羅漢 所獲得果報 當與汝共之
 我求日光女 是意甚堅固 帝釋諸天主
 當施我所願
 今時世尊於帝釋巖中以天耳遙遙聞其聲
 即以神力遙告五髻軋闍婆王子言善哉善

哉軋闍婆王子汝善於樂鼓動絃時出微妙
 音如妙歌聲作歌聲時復如絃音以何因故
 父發音樂於彼絃中而出伽陀復於伽陀說
 三種音謂愛樂音龍音阿羅漢音
 今時五髻軋闍婆王子承佛神力遙聞佛語
 即白佛言世尊我念一時有軋闍婆王名凍

數九

五

母羅其王有女名為日光我心所樂求為眷
 屬我時雖設種種方便亦不果願遂於女前
 動如是樂於樂絃中而出伽陀於伽陀中說
 三種音世尊我當動此樂時彼善法會有諸
 天眾互相謂曰此五髻軋闍婆王子而乃不
 見不聞我佛世尊十号具足如來應供正遍
 知明行足善逝世間解無上士調御丈夫天
 人師佛世尊於是我謂諸天眾言汝等諸天
 善讚佛德諸天答言五髻軋闍婆王子我等
 所有讚佛功德與汝共之五髻軋闍婆王子
 聞諸天言忽有省覺報言仁者我今歸佛世
 尊我以此事故向於佛動如是樂

今時帝釋天主作如是念今此五髻軋闍婆
 王子根緣成熟未至佛前已伸供養作是念
 已告五髻軋闍婆王子言汝持我語往詣佛
 所頭面禮足如我詞曰天主帝釋稽首雙足
 問訊世尊少病少惱起居輕利氣力安不進
 止無惱不我今與彼切利天眾欲來詣佛親

近供養當聽佛旨是時五髻乳闍婆王子聞此語已白帝釋言甚善天主作是語已往詣佛所頭面禮足任立一面而白佛言世尊帝釋天主與忉利天衆遣我來此禮佛雙足問訊世尊少病少惱起居輕利氣力安不進止無惱不我等今日欲詣佛所親近供養故遣

我來聽於佛旨佛即答言汝可迴還告語帝釋及彼天衆今正是時五髻乳闍婆王子承

佛聖旨還帝釋處傳世尊言今正是時

尔時帝釋及忉利天衆便詣佛所到佛所已禮佛雙足住立一面是時天主即起是念此帝釋巖其相迫窄天衆無數如何坐耶佛知

其意即以神力令巖寬廣容諸天衆各不相礙帝釋天主及彼天衆各各禮佛次第而坐衆坐已定帝釋天主合掌白言世尊我於長夜樂欲見佛樂聞正法世尊我念一時佛在舍衛國祇樹給孤獨園入火界三昧是時我在毗沙門宮見彼宮中有一夫人名曰妙臂

較九

六

見佛入是火界三昧合掌恭敬專心念佛我見世尊未出三昧告妙臂言待佛世尊出於三昧傳我至誠問訊於佛少病少惱起居輕利氣力安不進止無惱不又復告言待佛出定傳我至誠勿使忘失世尊是事實不佛言帝釋此事實尔而彼夫人曾代於汝致敬問

訊佛又告言天主我在三昧亦聞汝語其後非久即出三昧

尔時帝釋白言世尊我昔曾聞有佛如來正等正覺出現於世作大利益以大方便隨類引導或隱人相或現天身我今自知佛出世間作大利益以善方便隨類引導或隱或顯

世尊所有聲聞從佛出家修持梵行命終之後生忉利天而彼天人樂三種事謂壽命色相及與名稱世尊昔有釋女名曰密行從佛出家持於梵行常厭女身求男子相命終之後生忉利天爲我作子名曰密行具大威力是大丈夫世尊復有三苾芻修聲聞行而未

能斷貪欲之心命終之後生於天界作尾那
軋闍婆子常來為彼密行天子作承事者時
彼密行天向尾那軋闍婆子說伽陀曰

我昔為女人 具智名密行 厭女求男相
常供佛法僧 時見汝三子 而修聲聞行
今生於下族 為我作承事 汝等今當知

數九

七

我為汝說實 汝昔為人時 四事咸豐足
不依佛禁戒 今可懷慚恥 了心即正法
唯智者能了 我昔汝同行 近佛聞正法
起信持佛戒 及供養聖眾 我因行正行
得為帝釋子 具天大威力 自知名密行
止殊勝宮殿 轉女成男相 汝軋闍婆子

從佛持梵行 聞佛最上法 却為承事者
我於天界中 未見事今見 修持聲聞行
而生於下族 汝軋闍婆子 受我密行化
汝等所受生 非彼諸佛子 軋闍婆子言
天所說誠實 我等因貪欲 墮軋闍婆趣
我今起精進 唯念佛正法 知貪欲生過

斷彼貪欲心 貪為煩惱縛 其力勝魔軍
棄佛真實法 故不生勝天 帝釋與梵王
坐於善法會 觀諸天勝行 經遊天界者
見我生下族 經遊於天界 我由行不正
而不獲勝果 尔時密行天 白父帝釋言
父王今當知 我佛最上尊 出現於世間

善降諸魔軍 名釋迦牟尼 此三軋闍婆
是彼佛之子 志失於正念 墮軋闍婆趣
而於彼三中 唯一不正知 餘二歸正道
常向佛菩提 而行於正法 所見諸聲聞
無有能及者 彼遠離所欲 能斷於煩惱
唯念佛世尊 不復生餘想 所有未了法

彼二悉正知 當得勝果報 而生於梵天
世尊我於尔時聞密行天子說是偈已我於
此事有所未決故來佛所欲伸謂問願佛垂
愍為我宣說
尔時世尊而作是念帝釋天主於長夜中無
懈無廢無塵無垢如有所問是真不知非作

魔事彼有所問當為宣說作是念已即說伽

陀告帝釋曰

帝釋今當知

汝心中所樂

欲有所問義

當問我為說

尔時帝釋天主即說伽陀白世尊曰

今蒙佛聽許

如我意所樂

我今當啓請

報九

八

願佛為宣說

帝釋天主說伽陀已白佛言世尊所有天人

阿脩羅軋闍婆及諸異生等以何為煩惱佛

言以憎愛為煩惱帝釋天主所有天人阿脩

羅軋闍婆乃至諸異生等而作是念嗚呼我

自於他先無侵害亦不怨枉不聞不諍無詐

無訟又不相持云何於我返作是事天主如

是之事由憎愛起憎愛起故煩惱遂生帝釋

白言世尊如是如是如佛所說我今從佛了

知此義憎愛為煩惱斷於疑惑滿所樂心

尔時帝釋天主得聞佛說歡喜信受復白佛

言世尊此憎愛煩惱何因何集何生何緣何

因得有何因得無佛言天主此憎愛煩惱怨

親為因怨親而集從怨親生怨親為緣由怨

親故有憎愛煩惱若無怨親憎愛即無帝釋

白佛言如是如是如佛所說我今從佛了知

此義憎愛煩惱怨親為因若無怨親即無憎

愛又復白言世尊怨親因何有從何集由何

生依何緣何因得有何因得無佛告帝釋所

欲為因從所欲集由所欲生依所欲緣因其

所欲故有怨親若無所欲怨親即無帝釋白

佛言世尊如是如是如佛所說而彼怨親因

所欲有又復白言世尊而此所欲何因而有

從何而集由何而生依於何緣何因得有何

報九

九

因得無佛言帝釋所欲因疑惑有從疑惑集

由疑惑生依疑惑緣因疑惑故而有所欲若

無疑惑即無所欲帝釋白言世尊如是如是

如佛所說所欲因疑惑有又復白言世尊疑

惑何因何集何生何緣而此疑惑何因得有

何因得無佛告帝釋以虛妄為因從虛妄而

集由虛妄生依虛妄緣以虛妄故即有疑惑由疑惑故致有所欲因其所欲故有怨親由彼怨親遂有憎愛以憎愛故乃有刀劍相持訴訟鬪諍情生諂曲語不真實起如是等種種罪業不善之法由此得一大苦蘊集天主若無虛妄即無疑惑若無疑惑即無所欲所欲既無怨親何有怨親不立憎愛自除憎愛無故刀劍相持訴訟鬪諍諂曲之情不實之語如是等種種罪業不善之法皆悉得滅如是則一大苦蘊滅帝釋白佛言如是如是如佛所說因疑惑故則有虛妄復白佛言世尊虛妄之法以何法滅乃至苾芻當云何行佛告天主滅虛妄者謂八正道八正道者正見正思惟正語正業正命正精進正念正定由是八法虛妄得滅若諸苾芻行是法者是即名為滅虛妄行帝釋白佛言如是如是世尊滅虛妄者是八正道帝釋復白佛言世尊所滅虛妄法若苾芻行者當於別解脫法中有

幾種法佛言天主虛妄法者於別解脫法中有六種法何等為六所謂眼觀色耳聽聲鼻嗅香舌了味身覺觸意分別法天主眼觀於色有二種義謂可觀不可觀不可觀者謂於一切深法境界而不可觀可觀者謂於一切善法境界而可觀察如是眼觀色境乃至意分別法亦復如是世尊我今從佛了知此義不可觀者所有眼境不善之法若其觀者是即增長深法損滅善法其可觀者所有眼境一切善法若其觀者即是增長善法損滅深法乃至意分別法亦復如是世尊我今從佛聞是法已滿所願樂斷於疑惑又復白言世尊若復苾芻欲滅虛妄者當斷幾法當行幾法佛言天主若有苾芻欲滅虛妄法者當斷三法當行三法一疑惑二希望三無義語此三種法亦有可行不可行不可行者謂於此三種不善之法當斷不行若復行者增不善法損於善法可行者謂於此三種不善之

數九

十

法勤行除斷即得不善損減善法增長帝釋
白言世尊如是如是我今從佛了知此義疑
惑悌望無義語等三種之法若復行者損諸
善法增長不善

若復苾芻於此三法勤行除斷即得不善損
減善法增長又復白言世尊若有苾芻行滅

虛妄法者有幾種身佛言天主若有苾芻行
滅虛妄法有三種身三種身者謂適悅身苦
惱身捨身適悅身者有其二義謂可行不可
行可行者謂諸善法不可行者謂諸不善法
苦惱身捨身亦復如是帝釋白佛言世尊如
是如是我今從佛了知此義若彼苾芻行滅

虛妄法者於適悅身苦惱身捨身於此三身
諸善法等可行諸不善法等皆不可行

爾時帝釋復白言世尊所有一切衆生樂欲
憶念色相皆悉同不佛言不也天主一切衆
生非同一欲非同一念非一色相天主一切
衆生雖然各各居其界趣亦各不知界趣差

教九

十一

別彼由不知界趣差別是故行於黑暗之道
返執癡法以爲真實此諸衆生不知界趣種
種差別所了知者唯黑暗界雖復了知而亦
常行於黑暗道堅執癡法以爲真實帝釋白
言世尊如是如是如佛所說我今從佛了知
此義一切衆生非同一欲非同一念非一色

相由彼衆生不知差別故執癡暗而爲真實
爾時帝釋復白佛言世尊所有一切沙門婆
羅門等皆得究竟清淨梵行不佛言不也斯
有二義天主若彼沙門婆羅門等不能盡彼
愛法快定不獲究竟清淨梵行若彼沙門婆
羅門等有能盡彼愛法乃得無上解脫心正
解脫是名獲得究竟清淨梵行帝釋白佛言
世尊如是如是如佛所說我今從佛了知此
義若沙門婆羅門等不盡愛法快定不獲究
竟清淨梵行若有沙門婆羅門等盡彼愛法
決定獲得無上解脫心正解脫是名獲得究
竟清淨梵行

尔時帝釋復白佛言世尊我今云何當得永
離諸見之病使不復生是諸見病從心識生
我此心識當復云何我雖問佛種種之義云
何不能獲聖果報得佛如來應正等覺唯願
世尊為我斷除疑惑根本諸見之病佛言天
主汝知之不於往昔時有沙門婆羅門亦問

此義帝釋白言世尊我今憶念於一時中有
大威力諸天集切利天善法之會

尔時會中有諸天人不知法者輒欲成佛以
如是意告白世尊佛察愚暗不與記莳時彼
諸天不滿所願心有差別從座而起各還本
界本界不現因遂墮落時被諸天以墮落故

即大驚怖心生疑惑各作是念本界不現定
知墮落我若得見沙門婆羅門者即往請問
汝是如來應供正等正覺不時彼諸天或有
見我唯獨經行來詣我所而問我言仁者汝
是何人我時答言是帝釋天主時彼諸天心
苦惱故白言天主豈不見我受於苦惱以我

較九

十二

向佛應當問法而不能問應可歸依而不歸
依以差別心遂還本界本界不現定知墮落
是故苦惱願見救護天主我從今日誓歸依
佛為聲聞弟子我於尔時即說伽陀答彼天曰
汝等起邪念 所言亦不正 求佛心差別
由是長受苦 或見於沙門 及彼婆羅門

經行即請問 汝是正覺不 若是正覺者

我歸依供養 我即問於彼 當云何供養

所問不能知 佛如實正道 時彼諸天眾

心之所樂欲 心與心所法 疑惑而分別

我知彼心法 如世尊所說 我已當為說

於彼三界中 唯有佛世尊 是世間大師

善降大魔軍 能度諸有情 到涅槃彼岸

如來大覺尊 於天上人間 無有能等者

無畏大丈夫 善斷貪愛病 如來大日尊

汝今稽首禮

尔時帝釋天主說是事已佛復告言天主汝
可知彼過去之事謂分別利及適悅利帝釋

白言世尊我今憶念往昔一時天與脩羅而
相關戰天人得勝脩羅退敗我作是念所有
天人快樂及脩羅快樂我今獨受而獲適悅
因獲如是適悅之利盡此生中當有關諍及
刀兵相害是謂因彼適悅之利分別利者盡
此一生無關無諍乃至刀兵不相持害此為

數九

十三

分別之利帝釋復言世尊我今從佛聞是正
法轉復深信發起行願願我壽終若生人間
生富貴族巨有財穀多積珍寶輦輿車乘玩
好之具眷屬熾盛種種具足常不乏少願我
當生如是上族處智者胎身肢圓滿色相殊
妙食於上味尊貴自在壽命長遠起正信心
向佛出家剃除鬚髮被於法服而為苾芻常
持梵行無所缺犯證須陀洹斯陀含果乃至
獲得盡苦邊際世尊我復聞有色究竟天願
我終於人間復生彼天佛言天主善哉善哉
天主如汝所願何因何緣有此殊勝所證之
果帝釋白言世尊我別無因乃是從佛聞於

正法發起深信以願力故證如是果世尊我
今於此會中間於正法以法力故增其智慧
復增壽命是時帝釋發是願已遠塵離垢得
法眼淨復有八万夫人亦復獲得法眼清淨
尔時帝釋天主聞法見法而能了知住法堅
固斷諸疑惑如是證已從座而起偏袒右肩

合掌頂禮而白佛言世尊我得解脫我得解
脫從於今日盡其壽命歸佛法僧持優婆塞戒
尔時帝釋天主即於佛前迴語五髻軋閻婆
王子言汝今於我快生善利及益多人由汝
前來以彼妙樂供養佛故遂令我等聞法得
果待我還宮滿汝所願

尔時帝釋天主復告忉利天眾言仁者汝等
當作梵音三歸於佛於意云何今佛世尊已
得梵住寂靜涅槃是時天眾隨於帝釋遶佛
三匝即以頭面禮佛雙足住於佛前異口同
聲乃作梵音三歸佛曰

那謨那莫一薩多薩昧婆誡縛帝一怛他引

誠多引野三阿囉訶帝引三藐三沒馱野四

帝釋天主與彼天衆三復歸依佛已及彼五

警乳闍婆王子等隱於會中迴還天界

尔時娑婆界主大梵天王過是日已至於夜

分來詣佛所身光是耀照帝釋巖到佛前已

禮佛雙足却坐一面合掌頂禮說伽陀曰

教九

十四

帝釋為多利 向佛問正法 佛以微妙音

為除斷疑惑

尔時梵王說伽陀已白言世尊佛說正法時

帝釋天主遠塵離垢得法眼淨八万天人亦

得法眼淨佛言如是如是時娑婆界主大梵

天王聞佛語已歡喜信受禮佛足已隱身不

現還於天界

尔時世尊即於夜分往苾芻衆圍遶而坐告

諸苾芻言過是日已於夜分中娑婆界主大

梵天王來詣我所禮我足已合掌恭敬說伽

陀曰

帝釋為多利 向佛問正法 佛以微妙音

為除斷疑惑

復謂我言帝釋天主聞正法時得法眼淨及

八万天人亦得法眼淨我即告言如是如是

時彼梵王聞我所說歡喜信受禮我足已隱

身不現還於天界是時諸苾芻衆聞佛說是

法已皆大歡喜禮佛而退

佛說帝釋所問經

解夏經不出字

教九

帝釋所問經

十五末

映蔽上下於敬反迫窄上音伯下名稱下去怨

枉上音宛下無訴下音素是曜上胡廣

枉紆音往反無訴告下音素是曜反明也